

propriae pignus contrahi vel subsistere nequeat. *l. 45. pr. ff. d. R. I. l. 33. §. 5. ff. d. Usurp. & Usucap.* Si tamen creditor heres a debitore institutus & hereditatem restituere iussus, eandem coactus adierit, & postmodum restituerit, obligatio pignoris per aditionem confusa restituitur, quia eo casu adhuc naturalis obligatio durat, *per l. 59. ff. ad Sc. Trebell.* ex quibus autem causis consistit naturalis obligatio, ex iisdem pignus quoque perseverare constat. *l. 14. §. 1. ff. d. pignor.* cum hypothecaria suas habeat condiciones, i. e. si soluta est pecunia, aut satisfactum, quibus cessantibus tenet. *l. 13. §. 4. ff. d. pignor.* Add. *thes. 13.* Petrus Faber. *in Comment. ad Reg. Iur. ad d. l. 45. n. 2. & seqq.* Franzk. *ad d. t. Quib. mod. pign. solv. num. 27. & seqq.* Ex qua ipsa ratione propter subsistentem naturalem obligationem hypothecaria actio conceditur in *l. 30. §. f. ff. d. Except. rei. jud.*

XLVIII.

Per confusionem denique extinguuntur quoque Jura ad rem seu obligationes in eandem personam concurrentes; Vel Iura ad rem seu obligationes.
 Interest autem, an hic concursus fiat in una, an pluribus obligationibus: Si in una eademque numero obligatione utrumque jus, tum quod creditori active, tum quod debitori passive adhæret, in unam coincidit personam, veluti si creditor debitori, vel debitor creditori succedit, confusio inducitur, & obligatio non secus ac per veram solutionem vel compensationem plane perimitur. *l. 95. §. 2. ff. de solut. l. 21. §. 1. ff. de liber. leg. l. 1. §. 18. ff. ad L. Falcid. l. 50. ff. de Fidejuss. l. 7. C. d. part. l. 5. C. de Hered. Action. l. 3. C. de Fideicomm.* Nemo enim, sui ipsius creditor & debitor esse potest. *arg. l. 14. princ. in verb. esse enim debet, cui detur. ff. de Iur. Codicill.* quo casu etiam fidejussores & cæteri adpromissores liberantur, utpote cum pro eodem apud eundem debere non possint. *l. 34. §. 8. in fin. ff. d. solut. l. 21. §. 3. ff. de Fidejuss.* nullusque adsit reus, pro quo debeant, & nulla res, quæ debeat. *l. 38. §. 1. ff. de fidejuss. & destructo principali corruat simul accessorium. l. 129. §. 1. l. 178. ff. de Reg. Iur. l. 26. pr. C. de Usur. l. 43. ff. de solut.* Si tamen, verbi gratia, Titius, qui a Cajo fundum emit, & ab eodem evictionis nomine fidejussores accepit, eundem fundum Sempronio vendiderit,

E

diderit,